

INUILI Food College Greenland-imut allaffimmut fuldmægtigi

**Allaffissornermik, aningaasaqarnermik inunnillu sullissinermik suliaqallaqqippit -
ulluinnarnilu allanngorarfiusuni sulisinnaassuseqarlutit?**

INUILI Food College Greenland allaffimmi fuldmægtigimik tunniusimasumik
aaqqissugaasumillu suleriesilimmik pissarsiorpoq, ilinniarfimmi pikkorissuseqarluni
ingerlalluartumillu allaffissornermik qulakkeerinnissinnaasumik.

INUILI inuussutissarsiornermut ilinniarfiuvoq ineriartortoq. Ilinniartut iniutaannik
nammineq peqarpugut, pikkorissarfissaqarluta nunatsinniillu sumiiffinnit tamalaanit
ilinniartoqartarluta.

Atorfik allaffissornikkut tamatigoortunik suliaqarfiusoq

Allaffimmi fuldmægtigitut ilinniarfiup qitiusumik aqutsisoqarfiata ilaaniilissaatit,
ilinniartunullu, suleqatinut, pikkorissartunut, suliffeqarfinnut aammalu Namminersorlutik
Oqartussanut siammasissumik attaveqalissallutit.

Suliassatit ilaatigut tassaassapput:

- **Ilinniartut pillugit allaffissorneq** – ilinnialersussanutt, nalunaarsuinernut,
uppersaatinut, ilinniartut peqannginneri pissutsillu allat ilinniartunut tunngasut.
- **Aningaasaqarnermik aqutsineq** – matumani akiligassalerineq, ilanngussalerineq, akiliutit,
akiliussigallarnerit aammalu **IRIS**-imi aningaasatigut malitseqartitsineq.
- **Ilinniartut inaannik aqutsineq** – ineeqqat, attartornermut isumaqatigiissutit, iserternerit
aninerillu, akiliinerit aammalu ilinniartut inaanni sulisut peqatigalugit ataqatigiissaarineq.
- **Pikkorissarnerit pillugit aqutsineq** – nalunaartut, peqataasussat allattorsimaffii,
ataqatigiissaarineq, pikkorissarsimanermut uppersaatatit akiligassalerinerlu.
- **Suliffimmik misiliineq aamma SKP** – ilinniartut, suliffeqarfiit suliffimmik misiliiviusut kiisalu
suliffimmik misiliinerup ingerlarna pillugit allaffissornikkut tapertaaneq.
- **Ilinniartut angalanerat** – atuagarsoriarnermut, suliffimmik misiliineri angerlarluni
angalanernut tunngatillugu angalanissamat pilersaaruserneq allaffissornerlu.
- **Sulisut pillugit allaffissorneq** – matumani sulinngiffeqarnerit, peqannginnerit,
atorfininnermut atatillugu suliassat kiisalu sulisunut tunngatillugu pappiararsorneq.
- **Oqartussanik attaveqarneq** – oqartussat naleqquttut ingerlaavartumik allaffissornikkut
suleqatigineri.
- **Aqutsisunut suleqatiginninneq** – takussutissiorneq, uppersaasiorneq allatigullu
allaffissornikkut ikiortaaneq.

Tamatuma saniatigut allaffissornikkut suliassat allat suliarisassavatit ilinniarfiup ulluinnai
ingerlatseqataaffigalugit. Allaffimmi aqutsisoq qaninnertut aqutsisorissavat, taassumalu
Inuilip aqutsisui tamakkerlugit suleqataaffigai.

Illit ujartorpatsigit

- allaffissornermut tunngasumik ilinniagaqartoq imaluunniit assingusumik
misilittagaqartoq,
- aningaasaqarnermut aamma/imaluunniit ilinniartunut tunngatillugu allaffissornermik
misilittagaqartoq,
- IT-mut piginnaasaqarluartoq, aningaasaqarnermut aqutsissutinillu systeminik
misilittagaqartuuppat pitsaasuusaaq,
- aaqqissugaasumik nakkutiginnillaqqilluni sulerieseqartoq,
- suliassarpassuaqartillugu tamakkiisumik isiginnissinnaassuseqartoq,
- namminersorlutit sulisinnaasoq suliassallu naammassinissaannut
akisussaassuseqartoq,

- sullissillaqqittoq inuppassuillu attaveqaaqatigilluarsinnaallugit,
- paasissutissat allanut ingerlateqqitassaannngitsut pikkorissuseqarluni suliaqarsinnaasoq,
- ilinniarfimmik ineriartortumik peqataaffeqarusuttoq.

Ilinniarfimmit, pisortat suliffeqarfiutaannit, inuussutissarsiornermut ilinniarfimmit imaluunniit aaqqissugaanermiit siammasissumik allaffissornertalimmit misilittagaqaruit pitsaasuussaaq.

Neqeroorutigaaavut

Suliffeqarfimmi ilinniartut ilinniarnernannut aammalu ilinniarfiup tamakkiisumik ingerlanneqarneranut allaffissornermi pingaaruteqartumi **atorfik tamatigoortoq namminersorfiusorlu.**

Allaffissortut, ilinniarfiup, ilinniartut najugaat ingerlatsinerlu akimorlugit suleqatigiit akornanniilissaatit, tassanilu allaffissornikkut suleriutsimut sunniuteqarnissamut ineriartortitsinissamullu periarfissaqassaaq.

Ingerlaavartumik oqaloqatiginnittassaagut.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu

isumaqatiginniarinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersarsaatitalinnik piginnaasalik immikkut siunnersortitut, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersarsaatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkut.

E-mail-ikkut qinnuteqaatinik tigusingeq ajorpugut.